



**R. P. Ferdinandi De Castro Palao, Legionensis Soc. Iesv,  
Sacrae Theologiae Professoris, Et sanctae Inquisitionis  
Qualificatoris & Consultoris; Operis Moralis, De Virtutibus,  
Et Vitiis Contrariis, In ...**

Continet Tractatus De Conscientia, De Peccatis, De Legibus, De Fide, Spe,  
Et Charitate

**Castro Palao, Fernando de**

**Lugduni, 1669**

6 Quæ sint poenæ fautorib. hæreticorum impositæ

---

[urn:nbn:de:hbz:466:1-76540](https://nbn-resolving.org/urn:nbn:de:hbz:466:1-76540)



Quæ sint pœnæ fautoribus hæreticorum impositæ.

- 1 Enumerantur pœnæ.
- 2 An illas incurrant, antequam notati sint, & in excommunicatione per annum inforduerint.
- 3 Fautor hæreticorum contrahit suspensionem hæresis pro qualitate fautoris.
- 4 Arbitrio iudicis est puniendus.
- 5 Episcopus negligens in puniendis hæreticis deponendus est.
- 6 Ciuitates Episcopali dignitate sunt priuanda.
- 7 Domini temporales requisiti, si negligentes per annum fuerint, priuantur dominio, & aliu committitur.

**R**Estat enumerare pœnas, quibus supra dicti fautores, receptatores, defensores hæreticorum afficiantur, de quibus latè C. monitæ in *c. excommunicamus, §. credentes, de hæreticis*, ex illo tit. & tradit Eym. *director. 2. p. 9. 50. 51. 52. & 53.* & ibi Pegna, Farinacius *totæ q. 182. præcipue à num. 37.* quas ferè omnes enumerat Pontifex in *c. excommunicamus, §. credentes, de hæreticis*, in hac verba: *Credentes præterea receptatores, defensores, & fautores hæreticorum excommunicationi decemimus subiaccere: sumiter statuentes, vt postquam quis talium fuerit excommunicatione notatus, si satisfacere contempserit infra annum; ex tunc ipso iure sit factus infamis neque ad publica officia, seu consilia, neque ad eligendos aliquos ad huiusmodi, neque ad testimonium admittatur, sit etiam inestabilis, vt nec testandi liberam habeat facultatem, neque ad hæreditatis successiorem accedat. Nullus præterea ipsi super quocumque negotio, sed ipse aliis respondere cogatur. Quod si fortè iudex exiterit, eius sententia nullam obtineat firmitatem, neque cause aliquæ ad eius audientiam perferantur. Si fuerit Aduocatus, eius patrocinium nullatenus admittatur: si tabellio, instrumenta confecta pro ipsum nullius sint momenti, sed cum auctore damnato, damnetur, & in similibus idem præcipimus obseruari. Si verò clericus fuerit, ab omni officio, & beneficio deponatur, vt in quo maior est culpa grauior exerceatur vindicta. Si qui autem tales, postquam ab Ecclesia fuerint denotati contempserint, excommunicationis sententia vsque ad satisfactionem idoneam percellantur. Sanè clerici non exhibeant huiusmodi pestilentibus Ecclesiastica sacramenta, nec eos Christianæ præsumant tradere sepulturæ, nec elemosynas, aut oblationes eorum recipiant, alioqui suo priuentur officio, ad quod nunquam restituantur absque indulto Sedis Apostolicæ specialis. Similiter quilibet regulares, quibus etiam hoc infligatur, vt eorum priuilegia in illa diocesi non fenerunt, in qua tales excessus præsumperint perpetrare.*

2 Circa has pœnas illud occurrit notandum, an illas incurrant fautores hæreticorum, antequam ab Ecclesia denotati sint, & in excommunicatione publica per annum inforduerint? Qua in re Eym. *3. p. 9. 123. n. 2.* negare videtur, ex illis verbis textus, *postquam quis fuerit excommunicatione notatus, & per annum inforduerit*, & illis, *cum auctore damnato damnatur, & illis, ab Ecclesia fuerint denotati*, quæ omnia indicant publicationem excommunicationis. Suarez *disp. 24. sect. 1. in fine*, distinguit de pœna infamiae, & incapacitatis ad testandum, & ad officia publica, & in his requirit per annum in excommunicatione infordescere in reliquis verò pœnis spiritualibus, quales sunt priuatio beneficiorum, Ecclesiasticæ sepultura, orationum & oblationum, hanc persequerantiam, & publicationem excommunicationis non requirit.

Dicendum tamen est ex vi illius textus, & ratione excommunicationis, nullam ex supradictis pœnis fautores hæreticorum incurrere, nisi per annum in excommunicatione notati inforduerint, quod indicauit Eym. cum dixit loco allegato: *Non videntur alias pœnas incurrere, ex eo quod stant in excommunicatione per annum, nisi sic excommunicati norentur, & publicentur, quasi diceret ex alio capite illas incurrere posse, & de pœna infamiae, priuationis officiorum, incapacitatis ad testandum, & ad succedendum tradit Farinacius *quæst. 183. num. 39.* & clarius *num. 59. 60. & 106.* De beneficiorum priuatione tradit *num. 40. & 107.* præterquam quod priuatio beneficiorum, quæ habentur, non sit ipso iure, sed per sententiam saltem declaratoriam, vt aliis allegatis docet Pegna *3. par. director. comment. 162. vers. de hæreticorum* Farinacius *q. 182. n. 73. & seqq.* Ad alia verò obtinenda ipso iure inhabiles efficiuntur, vt constat ex *cap. quicumque, de hæreticis, in 6. vers. hæretici.**

Limitanda tamen est hæc doctrina in sepultura Ecclesiastica, & orationibus faciendis pro fautore hæreticorum, quia eo ipso, quod constat aliquem fauendo hæreticis decessisse, non debet inter Christianos accipere sepulturam, neque pro illo orationes fundi, quia in peccato mortali, & excommunicatione

ne decessit, ex text. in *cap. sicut, de hæres. & cap. 2. eod. tit. in 6.* & constitut. Innocent. IV. *Neuerit*, quam refert Pegna in *vlt. p. direct. fol. m. i. 17.* Verumtamen hoc rarò constare potest, nisi condemnatus sit.

3 Præter supradictas pœnas contrahit fautor, receptor & defensor hæreticorum, eo ipso quod crimen committat suspicionem hæresis leuem, aut vehementem pro qualitate circumstantiarum, & indiciorum, ob quam sic suspecto debet iudici purgatio, est communis sententia in *c. quicumque, de hæreticis, in 6. sic Vmbert. Locat. in iudic. inquisit. verbo credentes, sub n. 2.* Repert. inquisit. in verbo fautores, vers. nota. Eym. *director. 2. par. quæst. 50. num. 4. & 5.* Pegna *ibi comment. 75. & quæst. 52. comment. 77.* & aliis relatis Farinacius *qu. 182. num. 55.*

4 Deinde arbitrio iudicis possunt puniri fautores, receptatores, & defensores hæreticorum, pœnis pecuniariis vsque ad confiscationem bonorum, exilio, fustigatione, alique corporalius pœnis pro qualitate delicti: colligitur ex his, quæ adducit Menoch. *de arbit. lib. 2. cent. 8. casu 548. num. 1. 2. & 4.* Decian. *in tract. crimin. lib. 5. cap. 52. n. 47.* Farinacius *de hæresi, q. 182. n. 54. & probat textus in cap. accusatus, §. sacerdotis, de hæretic. in 6.*

Hæc pœnæ communes sunt omnibus fautoribus, defensoribus, & receptoribus hæreticorum. Aliquæ autem sunt speciales pro Episcopis, Principibus, & Magistratibus, qui fauorem vel omitendo, vel committendo hæreticis præstant.

5 Primò Episcopus negligens in puniendis, extirpandisque hæreticis deponendus est ab Episcopali dignitate, ex text. in *cap. excommunicamus, el. 2. §. volumus, de hæreticis* vbi dicitur: *Si quis Episcopus super expurgando de sua diocesi, hæretice prauitatis fermento negligens fuerit, vel remissus, cum id certis iudiciis apparuerit, ab Episcopali officio deponatur; & in locum ipsius alter substituitur idoneus, qui velit, & possit hæreticam confondere prauitatem. Hæc autem depositio à nullo alio faciendæ est, nisi à Pontifice, sic plurius relatis docet Farinac. *quæst. 182. num. 24.* Pegna *2. p. direct. comm. 12. vers. Episcopi ergo.**

6 Secundo ciuitates negligentes in puniendis hæreticis Episcopali dignitate sunt priuandæ, ex text. in *cap. ad abolendam, §. ciuitas, de hæretic. vbi dicitur*: *Ciuitas, quæ his institutis duxerit resistendum, vel contra communionem Episcopi punire neglexerit resistentes, aliarum careat commercio ciuitatum, & Episcopali se nouerit dignitate priuandam.*

7 Tertio contra dominos temporales, rectores, moderatores prouinciarum, vel ciuitatum, requisitos ab Ecclesia pro hæresi extirpanda, si negligentes fuerint, & in sua negligentia per annum inforduerint, est text. expressus in *c. excommunicamus, §. moueantur, de hæretic. & in authent. c. eodem, & multis relatis exornat Simancas *de catholic. instit. tit. 23. sub rubr. de dominis temporal. n. 1. & seqq.* & in *enchirid. violata relig. tit. 21. rubr. de principibus, n. 4. & 5.* Pegna *direct. 2. p. 9. 53. comm. 78. vers. 1.* Farinac. *de hæresi, q. 182. n. 15.**

Ne autem supradicti domini temporales, rectores, consules, que ciuitatum in supradictam negligentiam incidant, prouideat textus in *c. ad abolendam, de hæretic. §. statumus*, vt iuramento se obstringant, quod fideliter, & efficaciter cum ab Episcopo fuerint requisiti, Ecclesiam contra hæreticos, & eorum complices adiuuant, bona fide iuxta officium, & posse suum, Ad idem est *cap. vt officium §. statumus, de hæretic. in 6.* Variant tamen Doctores, an hoc iuramentum debeant præstare omnes domini temporales? Alij affirmant, solum debere præstare illos, quorum terra hæresibus infecta sunt, secus alij; alij de omnibus generaliter affirmant. Certum tamen est quælibet consulem, gubernatorem, magistratum, & dominum, si ab Episcopo, vel Inquisitore requisitus fuerit, de hoc iuramento præstando debere curare, quia ita cauert tum in supradictis text. præcipue in *cap. vt officium*, tum quia expresse Innocent. IV. hoc declarauit in sua constitutione edita anno 1553. incipiente, *Ad aures nostras*, quam refert Pegna inter litteras Apostolicas, *pag. mibi 12.* & alia eiusdem incipiente. *Ad extirpanda §. ita tradit Simancas in enchirid. tit. 21. n. 7. & 8.* Decian. *in tract. crim. lib. 5. c. 51. n. 11.* Farinac. *de hæresi, q. 182. n. 22.* Eym. *3. p. 9. 32.* & alibi sæpè.

\* \* \*